

MAROKO

17.09. – 28.09.2026.

12 dana / 10 noćenja

RAJ BOJA, MIRISA I OKUSA

“...dobrodošli u zemlju Malog Princa, začina, berbera, kamila, ljubaznih ljudi, neprestanog sunca i jedinu zemlju na svijetu koja vam omugačava da u istom vidnom polju imate palme koje se njišu na pustinjском pijesku i snježne vrhove planine Atlas” Maroko je prava kombinacija svega. Beskrajne pustinjske dine, privlačne i udaljene marokanske kasabe, stari kraljevski gradovi, visoki Atlas, berberi i nomadi. Maroko predstavlja opojnu mješavinu jezika, kultura, religija, drevnih tradicija i modernih senzibiliteta. Maroko posjeduje divljinu u svojoj srži, od surovih vrhova visokih atlaskih planina, u kojima su raštrkana drevna berberska sela, do zastrašujuće, veličanstvene praznine zapadne Sahare. Maroko je zemlja u kojoj se često možete osjetiti kao da ste došli u potpuno novi svijet koji čeka da bude istražen.

CIJENA ARANŽMANA: 2.999,00 KM

CIJENA ARANŽMANA UKLJUČUJE:

- Avio kartu Sarajevo-Istanbul-Kazablanka/Marakeš-Istanbul-Sarajevo, (uključena 2 kofera do 23kg+ručni prtljag 8 kg)
- Posjete i razgledi prema programu putovanja
- Ulaznica u objekte prema programu, osim ulaznice u džamiju Hasana II
- 1 noćenje u Istanbulu
- 1 noćenje u Kazablanci u hotelu 4* na bazi polupansiona (doručak+večera)
- 1 noćenje u Chechcouenu u hotelu 4* na bazi polupansiona (doručak+večera)
- 2 noćenja u Fesu u hotelu 4* na bazi polupansiona (doručak+večera)
- 1 noćenje u Erfoud-u u hotelu 4* na bazi polupansiona (doručak+večera)
- 1 noćenje u Ouarzazate u hotelu 4* na bazi polupansiona (doručak+večera)
- 3 noćenja u Marakešu u hotelu 4* na bazi polupansiona (doručak+večera)
- 2 x 0,5l vode po osobi dnevno
- Svi transferi autobusom visoke turističke klase tokom cijelog putovanja
- Usluge stručnog lokalnog vodiča na engleskom jeziku tokom putovanja
- Usluge pratioca grupe-predstavnika agencije organizatora putovanja na našem jeziku.

CIJENA ARANŽMANA NE UKLJUČUJE:

- Ishođenje vize za Kraljevinu Maroko 115 EUR (posreduje agencija)
- ulaznice u džamiju Hasana II 30,00 KM
- Napojnice za vozača i vodiča 40KM (plaćanje u agenciji)
- Vožnja džipovima 4x4 60 KM
- Individualni troškovi
- **OBAVEZNO** Putno zdravstveno osiguranje 24,00 KM za osobe do 60 godina; osobe do 70 godina 48,00KM; za osobe do 80 godina 65,00 KM
- Osiguranje od otkaza putovanja 101 KM (pokriva iznos od 2.999 KM / uz obavezno PZO)
- Doplata za jednokrevetnu sobu 700 KM
- Fantazi večer sa show programom i večerom u Marakešu 120 KM

Dokumenti potrebni za izdavanje vize:

- Popunjena aplikacijska forma za vizu Kraljevine Maroko skenirana s ostalim dokumentima
- Lična karta (kopija)
- Uvjerjenje o državljanstvu
- Dvije slike u boji na bijeloj površini gdje se jasno vidi lice (dimenzije 4x3) ne starije od 6 mjeseci
- Validan pasoš. Rok validnosti pasoša mora biti 6 mjeseci nakon povratka sa putovanja
- Kopija pasoša (strana gdje se nalaze podaci i slika)
- Putno osiguranje sa pokrićem perioda boravka u Maroku
- Rodni list
- Za zaposlene potrebna potvrda o zaposlenju ovjerena kod notara pa nadovjerena apostile pečatom i prevedena na engleski jezik od strane sudskog tumača gdje je jasno naznačena pozicija u firmi, mjesečna plata i datum zaposlenja
- Tri zadnja izvoda iz banke ili potvrda od banke na kojoj se vidi da imate otvoren račun i raspoloživa sredstva
- Za penzionere potrebna potvrda o primitku penzije iz PIO/MIO ovjerena apostile pečatom i prevedena na engleski jezik od strane sudskog tumača, te tri zadnja čeka od penzije i tri zadnja izvoda iz banke
- Za studente potrebno: potvrda o redovnom studiranju ovjerena apostile pečatom i prevedena od strane sudskog tumača, izjava roditelja/staratelja o saglasnosti o putovanju djeteta te garancija da su spremni pokriti sve troškove putovanja, ovjerena kopija lične karte roditelja/staratelja, izvod iz banke za 3 zadnja mjeseca od roditelja/staratelja
- Za maloljetne osobe potreban je rodni list, izjava roditelja o saglasnosti putovanja djeteta ovjerena apostile pečatom sa garancijom da su spremni pokriti sve troškove koji mogu nastati tokom putovanja. Ovjerena kopija lične karte roditelja/staratelja

- Za putnike s hrvatskom putovnicom nije potrebna viza

**VAŽNA NAPOMENA ZBOG VREMENSKOG ROKA PREDVIĐENOG ZA IZDAVANJE
MAROKANSKIH VIZA, KRAJNI ROK ZA PRIJAVU I DOSTAVLJANJE SVIH DOKUMENATA
JE 05.08.2026.**

PROGRAM PUTOVANJA

1.dan – 17.09. (četvrtak) SARAJEVO – ISTANBUL

Sastanak grupe na aerodromu Sarajevo 2h prije leta. Podjela dokumenata te prijava na let Sarajevo–Istanbul u 20:35h. Po slijetanju u Istanbul transfer do hotela. Noćenje.

2.dan – 18.09. (petak) ISTANBUL - KAZABLANKA

U dogovoreno vrijeme transfer na aerodrom. Prijava na let Istanbul – Kazablanka u 12:00h. Dolazak u Kazablanku predviđen u 15:00h. **DOBRO DOŠLI U MAROKO...** zemlju zanimljivih priča, predivne prirode, dragih ljudi, ukusne hrane. Doživite jedno zabavno, zanimljivo, emotivno i svakako nezaboravno iskustvo. Po slijetanju u Kazablanku a nakon pasoške i carinske kontrole transfer do hotel. Na putu prema hoteli posjetit ćemo Trg Ujedinjenih Nacija koji je kulturni i historijski centar grada. Po dolasku u hotel prijava, slobodno vrijeme do večere. Noćenje.

3.dan – 19.09. (subota) KAZABLANKA-RABAT-CHEFCHOUEN

Doručak. Nakon doručka odjava iz hotela. Dan započinjemo obilaskom ekonomske i industrijske prijestolnice Maroka. Prva na redu je **džamija Hasan II**, najveća džamija u Africi s minaretima od 175m, što ih čini najvećim minaretima na svijetu. Zatim odlazimo u Anfa naselje koje predstavlja najstariji dio Kazablanke, osnovano još 10. vijeka od strane Berbera. U blizini se nalazi i Anfa shopping centar s predivnim pogledom na plažu gdje ćemo napraviti pauzu. Nakon obilaska nastavljamo prema kraljevskom gradu glavnom gradu Maroka, gdje ćemo na putu svratiti da vidimo i slikamo se ispred najpoznatijeg objekta **Rick's Caffé** restorana koji se nalazi u Kazablanci kojeg su proslavili Humphrey Bogart i Ingrid Bergman u filmskom klasiku Casablanca. Po dolasku u Rabat zapocinjemo razgledanje Rabata s kvartom **Kasbah of the Oudayas**, poznatom po nebesko plavoj boji zidova i izuzetno očuvanim berberskim građevinama. Kvart je uvršten u **UNESCO-vu** svjetsku baštinu te je jedna od najvećih atrakcija Rabata. Poslije toga odlazimo u stari dio grada gdje posjećujemo zidine Mechouara koje okružuju **Kraljevsku palatu Dar al Makhzen**. Zatim slijedi posjeta mauzoleju **Mohammed V**, remek djelu arhitekture aluitske dinastije s detaljnim bijelim eksterijerom i krovom od modro-zelene cigle. Nakon toga nastavljamo obilazak **Rabata** sa **tornjem Hasan** koji je ustvari minaret nedovršene džamije koja je bila planirana kao najveća džamija na svijetu. Nastavak vožnje do **Chefchaouena**. Smještaj u hotel. Večera, Noćenje.

4.dan – 20.09. (nedjelja) CHEFHAOUEN-MEKNES-FES

Doručak. Nakon doručka odjava iz hotela. Dan započinjemo obilaskom neobičnog „**Plavog grada**“, smještenog na obroncima gorja Rif, usred idiličnih dolina i prekrasnih brežuljaka. Ovaj unikatni gradić je izgrađen još 1471. godine kao mala srednjovjekovna utvrda kojom se tadašnje stanovništvo trebalo odbraniti od Portugalaca. Oko te tvrđave niknuo je grad specifičan po svojoj maurskoj i španskoj arhitekturi i zidovima u svim nijansama plave boje. Nastavak putovanja prema kraljevskom gradu **Meknesu** - grad okružen sa oko 40 km dugim zidinama. Nekada je bio prijestolnica sultana Ismaila koji je osnivač grada i čiju ćemo grobnicu posjetiti. Obilazak ostataka nekadašnjeg „marokanskog Versaja“, zatim veličanstvena „Bab Mansour“ kapija, najljepša kapija sjeverne Afrike izgrađena početkom 18. vijeka. Posjetit ćemo i staru jezgru grada s jevrejskom četvrti te centralni trg. Na kraju obilaska grada obići ćemo i Kraljevske staje, drevni kompleks napravljen tako raskošno tako da se u njemu moglo smjestiti 12.000 kraljevskih konja. Nastavak putovanja prema **Fesu** – kraljevskom gradu koji je već više od 10 vijekova jedan od najsnažnijih centara islamske nauke i duhovnosti. Po dolasku u **Fes** smještaj u hotel. Večera. Noćenje.

5.dan – 21.09. (ponedjeljak) FES

Doručak. Dan provodimo u istraživanu culture i duhovne prijestolnice Maroka. Posjetit ćemo **Fes El Bali Medina** koja je zaštićena UNESCO-om, kao jedno od najbolje očuvanih historijskih mjesta. Nakon toga posjećujemo **Al Quaraouiyine University i Bou Inania Madrasa**, ovo je najstarija institucija za visoko obrazovanje na svijetu koja kontinuirano radi od svog osnivanja 859. godine. Pred kraj ovog dana posjetit ćemo **Chouara** - najstariju štavionicu kože u gradu koja izgleda kao i prije 1000 godina. Najbolji pogled na štavionicu je sa terase prodavnica kože koje je okružuju. Večera u tradicionalnom Marokanskom stilu. Noćenje.

6.dan – 22.09. (utorak) FES – ERFOUD

Doručak. Krećemo za **Erfoud**, putujući kroz srednji planinski lanac **Atlas**. Pauzu pravimo u gradu **Ifrane**, gradić smješten u planinama Srednjeg Atlasa na sjeveru zemlje, na 1665m nadmorske visine. Privučeni ovamo alpskom klimom, tadašnji francuski kolonijalisti ga osnivaju kao zimovalište u evropskom stilu namijenjeno isključivo za njih. Izgrađen je u stilu francuskih alpskih koliba („chalet“); naravno, kraj koliba je također brzo niklo marokansko naselje. Danas je Ifrane ljetni i zimski grad-resort, sa toplim ljetima te snježnim i često vrlo hladnim zimama; vrlo je popularan i među domaćim turistima, a s obzirom na alpsku klimu, krajolik i skijaške staze često se neformalno naziva i „**malom marokanskom Švicarskom.**“ i šume **Azrou** za posmatranje berberskih makakija. Nastavljamo dalje za **Dolinu Ziz** koja je jedna od najspektakularnijih prirodnih lokacija u južnom Maroku, poznata po palminim oazama, **rijeci Ziz** i ksarovima. Nastavak vožnje do grada Erfoud poznatog po nazivu Kapija Sahare. Smještaj u hotel. Večera. Noćenje.

7.dan – 23.09. (srijeda) ERFOUD – BOUMALNE DADES – OUARZAZATE

Rano ujutro sa džipovima krećemo da vidimo spektakularan izlazak sunca u **Merzouga**. Po povratku u hotel doručak., Natavljamo obilaskom grada **Erfoud** gdje ćemo obići lokalne radionice fosila. Po obilasku grada Efrouda, putovanja nastavljamo do grada **Todra Gorges**, spektakularni kanjon sa veličanstvenim liticama. Vozeći se ka **Boumalne Dades**, prolazimo kroz **Dades dolinu**, to je put koji krivuda kroz planine **Atlas**, a pejzaži izgledaju kao da sus a druge planete. Put nas vodi do **Ouarzazate**. Po dolasku u smještaj u hotel. Večera. Noćenje.

8.dan – 24.09. (četvrtak) OUARZAZATE – AIT BEN HADDOU – MARRAKECH

Doručak. Nakon doručka, odjava iz hotela. Krećemo u razgled **Ouarzazatea**, Holivuda u Maroku, gdje su snimljeni brojni međunarodni filmovi sa prirodnim pejzažima poznate Kasbah of Taourirt, drevne rezidencije Glaouija (Stari Pacha iz Marakeša) jedne od najbolje očuvanih u Maroku. Nakon obilaska nastavljamo prema Marakešu kroz prekrasan krajolik preko prevoja **Tizi N'Tichka**, najvišeg prolaza u Sjevernoj Africi. Otkrijte izvanredno područje koje karakterizira veličanstvenost i ljepota različitih pejzaža. Svratit ćemo u posjetu poznatom, utvrđenom gradu **Ait Ben Haddou** Kasbah. Klasificiran kao **UNESCO-va** svjetska baština, u ovom gradu su se snimale mnoge scene poznatih TV serija i filmova, kao što su Marco Polo, Mumija, Gladijator, Princ od Perzije, te svjetski popularna serija Igra prijestolja. Po dolasku u **Marakeš** prijava u hotel. Večera, Noćenje.

9.dan – 25.09. (petak) MARRAKECH

Nakon doručka krećemo u obilazak Marakeša, drugog najstarijeg kraljevskog grada, poznatog još i kao "biser juga". Marakeš se nalazi u bujnoj oazi smeštenoj u podnožju snježnih planina Atlasa. Naš obilazak započinjemo posjetom **Vrtova Menare**, koji potiču iz 12.vijeka kad je vladar Almohad odlučio stvoriti mirnu oazu za uzgoj usjeva i opuštanje. Na sredini je vještačko jezero koje se koristi za navodnjavanje. Voda je smeđa, ali čim ljudi bace hljeb šarani skaču na sve strane. Vrtovi zauzimaju površinu od oko 100 hektara. Postoji više od 30 000 stabala maslina te narandže i drugih voćki. Vrtovi se smatraju jednim od simbola grada. Dalje nastavljamo obilaskom **Koutoubia džamije** jedne od najvećih džamija u Marakešu. Okružena je velikim, uređenim vrtovima i smatra se jednom od najljepših arhitektonskih dostignuća grada, simbol grada i glavno svetište. Nakon toga posjećujemo grobnice dinastije Saadia iz 16. vijeka. Ljepota ukrasa koji uljepšavaju grobnice nikada ne prestaje oduševaljavati posjetitelje. Slijedi posjeta **Bahia palači** izgrađenoj krajem 19. vijeka s ciljem da bude najveća palača Maroka. Arhitektura palače odiše maorskim motivima s detaljima, lukovima, osvjetljenjem i gravurama koje oduzimaju dah. Popodne posjeta bazaru i četvrti rukotvorina, gdje ćete imati priliku vidjeti razne proizvode i posjetiti poznato mjesto **Djemaa El Fna trg**. Trg je uvršten u **UNESCO** baštinu oralne kulture i nasljeđa zbog svoje osebnosti i umjetničke raznovrsnosti. Na ovom mjestu možete vidjeti žonglere, akrobate, krotitelje zmija, dresirane majmune te mnogo toga drugog. Nakon obilaska povratak u hotel. Uveče mogućnost odlaska na **fakultativni izlet "Fantasia 1001 noć"**. Uživajte u nezaboravnoj noći pod krovom berberskih šatora, sa tradicionalnom marokanskom gozdom, programom koji uključuje trbušne plesačice, vještine jahanja konja,

tradicionalnu marokansku nošnju uz karakteristične zvuke arapske muzike. Nakon večere povratak u hotel. Noćenje.

10.dan – 26.09. (subota) MARRAKECH - ESSAOUIRA

Doručak. Nakon doručka odlazimo u **Essaouru – Afrički grad vjetrova**..lučki grad u zapadnoj regiji Marakeš-Safi. Ovaj opuštenu grad na obali Atlantika sa prekrasnom obalom, raznolikom kulturom i uzbudljivim znamenitostima ima za svakoga ponešto. Od zadivljujućih plaža i užurbane ribarske luke, do medine okružene zidinama sa šarenim bazarima, impresivnih umjetničkih galerija i malih restorana, u Essaouiri ćete pronaći mnoštvo stvari koje će vam ispuniti cijeli dan.

Smještena na obali Atlantskog okeana, Essaouira je jedan od najšarmantnijih gradova Maroka. Njegova historija datira više od 2500 godina unazad. Prvobitno ime grada bilo je Mogador, po vjerskom vođi iz srednjeg vijeka Sidi Mogdoulou, čija se grobnica nalazi u Essaouiri, a zaliv Mogador od davnina je mirna luka na marokanskoj obali. U 6. vijeku p.n.e. Feničani su ovdje osnovali naselje i nazvali ga Migdal (Migdol što znači "kula stražara"). Ali sama luka osnovana je puno kasnije, u 5. vijeku p.n.e., od strane Hanno Navigatora, kartaškog istraživača. Utvrde i zidine koje danas okružuju Essaouiru sagradio je Mohammed III 1767. godine. Sultan je želio ovaj mali atlantski grad pretvoriti u kraljevsku luku i međunarodno trgovačko središte. A Mogador je ostao najvažnija luka marokanskog kraljevstva sve do 19. vijeka, kada su se Kazablanka i Agadir razvili u bolje luke za moderne brodove. Nakon 1956. luka Essaouira počela je gubiti na važnosti.

Danas je Essaouira mjesto svjetske baštine **UNESCO-a** i izniman primjer utvrđenog grada s kraja 18. vijeka. Iako se važnost luke smanjila, grad je još uvijek međunarodna trgovačka luka koja povezuje Maroko s Evropom i ostatkom svijeta. Nakon obilaska grada u dogovoreno vrijeme povratak u Marakeš. Večera, noćenje.

11.dan – 28.09. (nedjelja) MARRAKECH – ISTANBUL

Doručak. Nakon doručka slobodan dan za individualne aktivnosti...Kasni check out. U dogovoreno vrijeme transfer na aerodrom. Prijava na let Marakeš- Istanbul u 22:45h.

12.dan – 29.09. (ponedjeljak) ISTANBUL – SARAJEVO

Slijetanje u Istanbul je u 05:45h. Nastavak leta Istanbul – Sarajevo predviđen je u 07:20h. Dolazak u Sarajevo u 08:15h. Kraj usluge.

O MAROKU:

Glavni grad: Rabat

Valuta: Marokanski dirham

Službeni jezik: Arapski

Službeni jezik: Arapski

Klima: Mediteranska u obalnim ravnicama, oštija u planinskoj i pustinskoj unutrašnjosti

Električni napon: 220 V, 50Hz. Utikači s dva priključka

Napojnice: Uobičajno je konobaru ostaviti napojnicu od 1 ili 2 dirhama

"Keš" je kralj: Iako veći hoteli i restorani primaju kartice, na pijacama (souks) i u manjim mjestima gotovina je neophodna

Cjenkanje: To je dio kulture. Prva cijena koju čuješ na pijaci je obično drastično viša od realne; slobodno ponudi upola manje i pregovaraj

- Prilikom rezervacije, potrebno je uplatiti min. 40% od ukupne cijene aranžmana. Ostatak uplate najkasnije 20 dana prije polaska.